

Vg
1542



QR. 2155 34

Vg

1542

Historia Marcolffi in
welcher durch ein fast lustig Bild an-
gezeigt wird / was der Freye wille vor / in
vnd nach der bekerung des
Menschen vermag.

Et prodesse volunt & delectare poëta.



M. D. LXV.



Faint, illegible text, possibly bleed-through from the reverse side of the page.



IST die Legend Marcolfi war
So thut sie vns vermelten klar.
Wie Salomon ein Raken het/
Die gewenet war das sie kund stett.
Ein kerzen halten vber Tisch/
Wenn Salomon gesund vnd frisch.
Sein malkeit hilt zur abentstund/
Solchs war schon allem hoffgsind kund.
Wunderten sich fast vber diesem thir/
Das es solchs ampt mit grosser zier.
Durch vbung gelert ausrichten kund/
Wenn man es hiefs zu aller stund.
Vnd meinten schlecht die katz het gar/
Vorgessen irer mutter lahr.
Als wer ihr art so gar vergangen/
Das sie nicht lust het Meuss zufangen.
Also solt kunst vnd vbung zart/
Weit vbertreffen natur vnd art.

Solchs vrtel vnd den falschen wan/
Marcolfus ein fast wickig man.
Nicht leiden kund vnd sprach behend/
Wie seid ihr doch so gar verblend.
Meint ihr das kunst vnd gewonheit ist/
Vber art vnd angeborne list?
Ich wils beweisen mit der that/
Das art nicht lassen thut von art.
Wer kunst/ gewonheit noch so gross/
So muss sie hic bestehen blos.
Drauff balt er zu sich nympt drey Meuss/
Tritt für die Tafel flug vnd weifs.

Do die katz stundt vnd hielt das licht/
Wie sie durch vbung wardt berichtet.
Da liefs er erstlich eine Maus/
Zu seinem Ermel lauffen aus.
Do nun die Katz die Maus ersah/
Zuckt sie als baldt vnd blickt jr nach.
Doch blieds dabey / sie hielt noch fest/
Die kunst vnd vbung thet das best.
Darauff liefs er vber ein kleine weil/
Nach eine lauffen in grosser eil.
Da wardt es müh / die katz wolt dran/
Der Mutter art gieng gar baldt an.
Der König winckt jr mit der Hand/
Bedrawet sie das sie bestand.
Doch kümmerlich durch solch bedrawen/
Hielt sie das liecht mit linker klawen.
Aber mit der Rechten sie thet schlahen/
Baldt nach der Maus vnd wolt sie fahen.

Obet einweil die dritte Maus/
Laufft zu Marcolfus ermel aus.
Da halff kein gewonheit noch kein kunst/
Die angborne Art vnd brunst.
Gieng weit zuuor / Sie liefs das liecht/
Hinfallen vnd vergass jr pflicht.
Der König schalt / hiess sie still stan/
Es war umb sonst sie gieng dauon.
Sie lieff dahin vnd fieng die Maus/
Fras sie / da wardt nicht anders aus.
Marcolfus lacht vnd sprach als baldt/
Seht lieben Herrn ich recht behalt.

Was

Was angeborn vnd geschaffen ist
Stehet fest / vnd bleibt zu aller frist.
Kunst vnd gewonheit gilt fur sich /
Doch gegen art nicht halt den stich.

Dis sey nun war oder sey erticht /
So ist doch gewiss / das den bericht.
Die alten haben geben wollen /
Das wir gewiss glauben vnd haltn soln.
Wie aller Menschen hertz vnd will /
Von Adam her on mass vnd ziel.
Verterbet ist / zu allem geneigt /
Was böss ist / vnd die Schrifft anzeigt.
Das Gott zu wieder vnd verdruss /
Gescheh / wie leider ein jeder muss.
Bekennen / vnd solchs an sich befind.
Wir sein vnd bleiben Adams kind.
Vnd ob vns Gott schon thut bekeren /
Vnd vnserm bösem willen weren.
Das wir nun Christen vnd Newborn.
Erlöset sein von Gottes zorn.
So bleibt doch vnser böse art /
In vns / die wieder strebet hart.
Dem willen Gottes zu jeder frist /
Wie solchs in Gottes Wort auch ist.
Beweist gnug / auch solchs fürwar /
Mit irem eignen Exempel zwar.
Propheten vnd Apostel thun /
Bezeugen / Ach was woln wir nun.
Viel vnserm freyen willen geben /
Weil er in vns thut wieder streben.

Dem heiligen Geist / wenn wir beert/
Von Gottes willen sind glert.
Wie kan er für der neuen gurt/
Vom Teuffel betrogen vnd verfürt/
Von Gottes sachen ichts verstehen/
Hie mus sein kunst vnd krafft vergehen,
Desgleich kan er mit all sein tichten/
In vnser bekerung nichts ausrichten.
Denn hindern Gottes werck vnd raht/
Denn er durchs wort in vns fürhat.
Lutherus der viel trewe man/
Wider Erasmus Rothenodam.
Diss argument braucht vnd behelt/
Den sieg damit gleich als ein helt.
Drumb wer ein rechter Christ will sein/
Der geb sich nur gduchtig drein.
Bekenn sein schult vnd böse art.
Das sie nichts gelt nichts helff noch radt.
Zu vnser bekerung / vnd geb die ehr/
Dem lieben Gott / das er beker.
Vns ganz vnd gar allein durchs wort/
Mit seinem heiligen Geist befort.
Alls was wir wissen vnd verstehen/
Auch was wir glauben vnd versehen.
Das folgen / wollen / vnd volbringen/
Was wir in diesem kamff gewinnen,
Der Anfang Mittel vnd das Endt/
Sthet alls allein in Gottes hend.
Es sey nun viel oder sey gering/
Ists doch des heiligen Geistes ding.

Welchs

Welchs er aus lauter gnad in vns/
Ausrichten thut on vnser kunst.
Drumb danck Gott für sein gnad vnd gut/
Die er an dir erzeign thut.
Vnd bit das er durch sein gewalt/
In solchem glauben dich erhalt.
Lass dich nicht irren lieber Christ/
Der hochgelarten trug vnd list.
Die auffgeblasen Theologen/
Gespickt mit der Philosophen.
Diss ein artickel des glaubens ist/
Nicht der vernunft/drumb aber nicht.
Mit er sich reimpt da/ligt nicht an/
Es muss doch Gottes wort war han.
Betreugt dich was so betreugt dich Gott/
Drauff wags getrost/es hat nicht noth.
Es ist nicht new/ das Gott allein/
Mit seiner Weisheit narr muss sein.
Für dieser Welt die ist so klug/
Das sie allzeit Gott meistern thut.
Für solchem fürwis behüt vns Gott/
Denn drauff gewiss folgt der ewig todt.

Philosophia wil Victrix sein/
Gottes wort behelt den sieg allein.
Welche für sich habn Gottes wort/
Die stößt vnd plagt man fast an allm ort.
Gott wird solchs nicht vngestraft lan/
Das ist gewis/ wers wil verstan.
Drumb thue buss hie in der zeit der gnadt/
Wer sich schuldig weis/dort ist zu spath.

79

1572

10

Faint, illegible text, likely bleed-through from the reverse side of the page.

Handwritten mark or signature in the bottom right corner.




ULB Halle

3

004 976 096





Vg
1542

2155 34

Historia Marcolffi in
welcher durch ein fast lustig Bild an-
gezeigt wird / was der Freye wille vor / in
vnd nach der bekerung des
Menschen vermag.

Et prodesse volunt & delectare poëta.



M. D. LXV.

